

正定府志卷

武備下

兵事

兵事

周轍已東鮮虞中山戈兵擾攘幾無虛日趙魏侵凌
於前嬴秦并吞於後地遂入中國此漢唐以降淮陰
奇計大破成安郭李行師卒平案由至於光武之經
略河北又與成祖之起兵燕京後若照耀古來英君
名將未有不得所憑藉而能樹可勲遏亂略者若夫
慕容拓跋強者竊據固然顧如王鎔庸懦遠遜克用
而廷湊遺業竟至百年豈徒天命亦形勢較勝耳獨



惜宋代謀之不滅宣和以後置河北不間金元迭興而宋祚日蹙宜矣前明有燕京建瓴之勢敗於二三宵小之手俺答也先蹂躪畿甸已喪國威至闖寇入關遂凌夷而不復振綜觀往事正定一郡戰爭之事蓋已多端古云正定形勢爲天下脊背又云河北根本在正定信哉

周

左傳景王十五年

昭公十二年

秋晉荀吳假道於鮮虞遂入

昔陽八月滅肥以肥子綿臯歸

荀吳將滅肥恐其有備乃僞欲往會齊師假道襲之滅其國

冬十月晉伐鮮虞

因肥之役也

左傳十八年

昭公十五年

秋晉荀吳帥師伐鮮虞圍鼓三月

克之以鼓子戴鞮歸

鼓人被圍或請以城畔荀吳弗許使鼓人城畔者而繕守備鼓人請降又勿許圍鼓三月鼓人飢食竭力盡乃取之不戮一人以鼓子歸獻廟而反之

左傳二十五年

昭公二十二年

晉荀吳略東陽使僞糴者負甲

息昔陽門外襲鼓滅之

晉之取鼓也既獻而反鼓子焉又畔於鮮虞荀吳遂襲滅之以鼓子戴鞮歸使涉佗守之

左傳敬王十三年

定公三年

鮮虞人敗晉師於平中

獲晉觀虎
恃其勇也

春秋十四年

定公四年

晉士鞅衛孔圉帥師伐鮮虞

趙氏鵬飛曰伐鮮虞晉之害而六卿之利也

春秋十五年

定公五年

晉士鞅帥師圍鮮虞

報觀虎之役也

左傳二十九年

哀公四年

齊國夏伐晉取邢在欒鄆逆時陰

人孟壺口會鮮虞

春秋三十一年

哀公六年

晉趙鞅帥師伐鮮虞

左傳春晉伐鮮虞治范氏之亂也

史記安王二十一年趙借兵於楚伐魏取棘蒲

史記二十五年趙與中山戰於房子

文侯克中山不絕其祀及武侯擊嗣位中山復興與趙構兵無休日

史記赧王八年趙武靈王北略中山之地至於房子遂之代

先是中山負齊之強數侵趙地武靈王十九年春正月大朝信宮召肥義與議天下事五日而畢遂略中山之地胡服招騎射

史記十年趙武靈王攻中山趙希并將胡代趙與之陘合軍曲陽取丹邱華陽鴻之塞王軍取鄣石邑封龍東垣中山獻四邑和許之罷兵

史記正義謂以胡代趙之兵并而將之與向井陘之側也鴻之塞一作鴟按方輿記要卽倒馬關漢時謂

之常山關一統志曲陽有上下下
曲陽晉州地也石邑等解見事紀

史記二十年趙主父滅中山遷其主於膚施起靈壽大
赦

史記三十二年趙廉頗攻齊昔陽取之

史記四十年趙廉頗攻房子拔之因城而還

史記四十四年趙藺相如伐齊至平邑罷城北九門大

城

秦

史記始皇十四年秦攻趙赤麗宜安李牧率師與戰肥

下却之

史記十五年趙李牧與秦戰於番吾却之

史記十八年秦王剪伐趙下井陘趙使代李牧司馬尚

軍大敗國滅

趙嬖臣郭開多受秦間金言李牧司馬尚欲反趙王使趙蔥顏聚代之牧不受命捕得斬之廢司馬尚至是王剪擊殺趙蔥遂滅趙

漢書二世元年秋八月楚將武臣自立爲趙王李良略

常山

武臣以三千人徇趙地旣渡河豪傑皆應收兵得數萬人下趙三十餘城旣諸將爲陳涉徇地還者多以罪誅於是武臣自立爲王張耳陳餘說武臣曰王王趙非楚意宜徇河內以自廣李良遂略常山

冬十一月李良由常山路太原遂弑其君武臣

李良已定常山還報趙王命仍略太原至石邑秦兵塞井陘未能前良請益兵道逢趙王姊怒其無禮殺之遂弑武臣趙人多爲張耳陳餘耳目故得脫

史記二年秦將章邯圍趙陳餘收常山兵救之

章邯以楚地不足憂乃北擊趙破邯鄲張耳護趙王歇走鉅鹿王離圍之陳餘北收常山兵得數萬人軍其北章邯軍其南相持未下楚項籍大破秦軍虜其將王離圍遂解

漢

史記高祖元年項籍立張耳爲常山王十月陳餘擊走之

漢書項籍旣自爲西楚霸王徙趙王歇爲代王立張耳爲常山王陳餘以不從入關卽南皮三縣封之餘怒使人說齊王田榮共擊常山破之耳亡走餘迎代王歇復王趙

漢書二年曹參擊魏于曲陽至東垣虜王豹

秋九月韓信張耳伐趙趙成安君陳餘聚兵井陘口李左車請絕其輜重不從

漢書三年韓信下趙井陘斬陳餘泚水上擒趙王歇

廣武君李左車說成安君曰井陘之地車不得方軌騎不得成列願假奇兵三萬從間道絕其輜重足下深溝高壘勿與戰成安君常稱義兵不用詐計韓信乃引兵未至井陘口三十里止舍夜半發輕騎三千人持赤幟從間道草山而望趙軍誠曰趙見我走必空壁逐我若疾入趙壁拔趙幟立赤幟又使萬人先行出背水陣平旦信建大將旗鼓出井陘口趙開壁擊之大戰良久信耳佯棄旗鼓走水上軍趙空壁逐之水上軍殊死戰不可敗趙軍還歸壁壁皆漢幟大驚以爲漢已得趙矣軍潰漢兵夾擊人破之

漢書八年冬帝擊韓王信餘寇於東垣

韓王信餘寇曼邱臣王黃皆故賈人後
爲陳豨將其麾下受購因生得斬之

漢書十年代相陳豨反掠常山

漢書十一年冬陳豨將趙利守東垣高祖攻下之

陳豨反帝自擊之至邯鄲是時常山二十五城亡二
十城十二年冬上在邯鄲復攻東垣不下月餘卒罵
高祖怒城降令出罵者斬之其諸縣堅
守者復租旌之使太尉周勃入定代地

漢書新莽建國元年正定劉都等謀舉兵事泄被殺

漢書更始元年大司馬秀徇河北邳彤攻下曲陽降

光武紀故趙繆王子林說秀取河東秀不答去之正
定北狗薊邳彤迎降先是童謠云諧不諧在赤眉
不得在河北後更始爲赤眉所殺光武
由河北而興更始不諧光武得之也

漢書二年春正月大司馬秀自下曲陽渡漳沱河發

擊王郎拔正定等縣

卜者王郎稱帝於邯鄲燕趙皆應之於是秀趣駕出城南馳至蕪婁亭天寒馮異進豆粥至下曲陽傳聞王郎兵在後將渡滹沱更白無舡不可濟使王霸往視之霸恐驚衆詭云冰堅可渡遂至河河冰亦合乃渡未畢數騎而冰解至信都太守任光大喜和戎太守邳彤亦來會議者多欲西還彤曰王郎假名烏合無根本之固明公奮二郡之兵討之何患不克今釋此而歸豈徒空失河北必更驚動三輔非計之得也乃止是時劉植耿純皆率兵來迎並用爲將軍衆至萬人北擊中山至五月破王郎追斬之

二月正定王劉楊來降新市元氏房子皆下

正定王楊聚兵十餘萬將附王郎秀遣劉植說降之納楊甥郭氏爲夫人於是諸邑皆下

三月王郎救鉅鹿大司馬秀逆戰於南轅敗之命鄧禹等攻正定宋子餘賊

鄧禹姚期攻樂陽藁肥壘拔之李忠從攻下屬縣至苦
陘

新市房子元氏諸邑旣下至是姚期
發房子兵與鄧禹復攻拔樂陽等城

漢書光武建武元年春正月帝北擊尤來大槍五幡於

元氏連破之

光武紀尤來大槍割鬚變帽
而遁今元氏西北有割鬚嶺

漢都護將軍賈復破青犢於射犬追戰於正定之犍鄉

二月都護將軍賈復與賊帥五校戰於正定大破之

賈復傳復與五校戰負傷創甚納腸而逐之王大
曰我所以不令賈復別將者爲其輕敵也果然失
名將復病尋愈追及藁相
見甚懼爲之大饗士

綱目四年夏四月大司馬吳漢擊五校於臨平破之
漢書九年匈奴救盧芳於五原詔朱祐軍常山南行
拒之

漢書十三年春遣捕虜將軍馬武屯兵滹沱備匈奴
漢書十四年揚武將軍馬成屯兵常山

漢書靈帝中平元年冬皇甫嵩破黃巾賊張寶於下曲
陽斬之

董卓以無功抵罪乃詔遣嵩時角已死嵩與其弟梁
戰梁衆精勇嵩不能克乃閉營休士伺賊少懈夜勒
兵鷄鳴馳赴其陣戰至晡時破之斬梁剖角
棺傳首京師復攻梁弟寶於下曲陽斬之

綱目二年二月常山賊褚飛燕降

飛燕乘張角之亂聚衆爲盜寢至百萬號黑山賊朝廷不能討至是遣使乞降詔拜平難中郎將領河北諸山谷事

後漢書獻帝初平四年袁紹與黑山飛燕及四營屠各

雁門烏桓戰於常山

袁紹傳紹與公孫瓚搆兵瓚連飛燕及屠各烏桓等攻之紹遂捨瓚專敵飛燕等兵不分勝負而退紹卒滅之

晉

晉書惠帝永寧元年三月常山王又舉兵應齊王罔殺

房子令及常山內史程恢

常山王傳人以兵應罔討趙王倫過房子令拒之殺令內史程恢不從亦殺之

晉書懷帝永嘉二年春三月劉淵遣石勒寇常山安北將軍王浚擊破之

劉淵遣聰等十將南據太行石勒等十將東下趙魏

晉書三年漢石勒寇常山

勒以張賓爲謀主集衣冠人物別爲君子營陷冀州百餘壁

秋七月王浚使鮮卑騎救之大破勒於飛龍山

晉書六年劉琨奔常山

劉琨移檄州郡期十月會平陽擊漢會琨殺令狐盛盛子泥奔漢具言虛實漢主大喜乘虛襲晉陽琨還救不及率數十騎奔常山泥殺琨父母

晉書元帝大興元年劉琨遣樂平太守焦球攻趙常山

斬其太守邢泰

翟鼠寇常山石勒討之獲其母妻而還

晉書三年段文鴛救邵續於冀州不及掠常山二千餘家以歸

晉書穆帝永和五年趙石冲移檄討石遵至常山衆十餘萬

石遵弑其主世而自立石冲帥師討之

夏四月遵遣石閔拒石冲大敗之獲冲於元氏坑士卒

二萬餘

晉書八年春正月趙劉曜攻常山劉生閔自將擊敗之

劉顯率衆伐常山太守蘇亥告難於閔閔留大將軍蔣幹等輔太子智守鄴親率騎八千擊之顯敗

夏四月燕慕容恪進取常山築安樂壘於九門

壬寅冉閔奔常山慕容恪追之及派水戰於魏昌之廉臺大破之執閔以歸

閔懼燕軍之盛奔常山恪追之及派水謂諸將曰閔性輕銳吾分軍爲三部犄角以待彼必出萬死衝吾中軍諸軍從旁夾而擊之蔑不克也閔果乘赤馬順勢而來戰於魏昌之廉臺斬鮮卑三百餘級俄而燕軍大至圍之閔潰圍東走二十餘里馬無故死被擒按晉地道記魏昌縣有廉臺皆無極地

五月慕容恪屯軍滹沱守將蘇亥棄常山奔

蘇亥遣將金光率騎數千襲恪恪逆擊斬之亥大懼奔并州恪遂據常山